



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

7523

7524

7525

7526

7527

7528

91(56)

a-16

50

Printed in Turkey



ԱՆՅՐ

ՏԱՐՈՆՈՅ ՈՒԽՏԻ

ԳՐԵՑ

ԿԱՐԱՊԵՏ ԿԱՐԴԱՊԵՏ

Մխարան Տարոնոյ ուխտի



Կ. ՊՕԼԻՍ

ՍԱՐԸԵԱՆՆ ՏՊԱԳՐՈՒԹԻՒՆ

—
1878

13258

4

ՎԷՄ ԳԼՈՐՄԱՆ

Ե Ի

ՔԱՐ ԳՍՅԹՍԿՂՈՒԹԵԱՆ



152
10/2

Չկայ գործ մը որ պատ-
հառ շունենայ :

Մեր ազգայինք գիտեն, որ Տարօնոյ
երկիրն ու վանքն խռովեալ ծովուց պէս
կծիայ. սակայն դեռ ոչ ոք նկատողու-
թեան չէ առած թէ, այդ սաստիկ խռո-
վութեան հովն ուրկից փչելով մտաւ Տա-
րօնոյ երկրի մէջ, և մըրիկ կյարուցանէ :
Մեք փոքր ի շատէ խելամտած լինելով
դորա հանգամանաց, ուզեցինք ի սէր ար-
դարութեան յերևան ածել :

Մինչ մեր մանկութեան օրերն սա-
հելով կանցնէին, Ս. Կարապետու վանուց
անուն Տարօնոյ երկրի մէջ արևու պէս
կփայլէր. հայրս՝ միայն մեր գիւղի նկատ-

մամբ հողագործներէն երևելի մէկն էր .
հասակս 14-15 տարուան հասածին պէս՝
դիս տարին Ս. Կարապետու վանքը դըպ-
րոց դնելու : Մեր գացած միջոցին, վա-
նուց Առաջնորդն Չաքարիա վարդապետն
էր, որ 18-20 տարուան չափ առաջնոր-
դութեան պաշտօն վարեց . իսկ վանուց
դպրոցի տեսուչ և վարժապետն Չաքար-
եան Կարապետ պատուելին էր, որ ցարդ
կենդանի է և Կարնոյ մէջ նոյն պաշտօն
կվարէ . Կարապետ պատուելին Մշեցի
Բաղդասար անունով տղայ մ'իրեն
կառավարիչ կարգած ըլլալով ի բացակա-
յութեան յիշեալ վարժապետին, բոլոր
դպրոցականաց նա կհսկէր . դպրոցի մէջ
քանի մը տղայք կային, որ յիշեալ Բաղ-
տասարին հասակակից և ժամանակակից
էին . ուստի երբ անոնց մէջ կադ և կուիւ-
լինէր, Բաղտասարն իւր ճարակութեամբ
գլխոյ և երեսի մորթն քերթելով, և արիւ-
նաթաթաւ դնալով առ վարժապետն՝ կըո-
ղոքէր . և այս դրութեամբ միշտ արդա-
րանալով, բոլոր տղայքն իրեն նկուն
ըրած էր :

Անցան բաւական օրեր, և վանուց և
երկրի կայուն թիւնը ամէն կերպով խա-
ղաղ էր, սակայն անիւն դառնալով՝ դէպ-
քըն այնպէս բերաւ, որ Մշեցւոց և վա-
նուց մէջ խռովութիւն մը ծագեց, և սոյն
խռովութեանց համար որոշուեցան քանի
մը անձինք դալ Կ. Պօլիս ի Պատրիարքա-
րան և բողոքել Չաքարիա վարդապետի
դէմ, Պատրիարքարանը որոշեց Չաքարիա
վարդապետի համար, որ երթայ Եդեսիա
առաջնորդ, և այս՝ իբրև աքսոր, և Մատ-
թէոս վարդապետը կարգեց Տարօնոյ երկ-
րին Առաջնորդ: Կարապետ պատուելին՝
աւելի Չաքարիա վարդապետի ընտիր
բարեկամն էր, սկսաւ Մատթէոս վարդա-
պետն քննութեամբ վարուիլ յիշեալ վար-
ժապետի հետ, իսկ պատուելին՝ որ այն
ժամանակի երևելիներէն մէկն էր, ամեն
ուրեք վարկ ունենալով՝ վարդապետաց
խմբակն առ ինքն կաղմ և պատրաստ
պահելով, սկսաւ դիմադրել Մատթէոս
վարդապետին: Այս դրութեամբ օր ըստ
օրէ խռովութիւնը միշտ յառաջ կերթար:
Գալով Բաղդասարի՝ դեռ կառավարիչ էր

և ընդ իշխանութեամբ վարժապետին, վս-
նուց միաբանութեան գրերն յիշեալ Բաղ-
տասարին գրել կուտային, և երբ Բաղ-
տասար իւր վարժապետի պաշտօնը կկա-
տարէր, յետոյ միաբանութեան ներքին
խորհուրդն հանդերձ գրելով Մատթէոս
վարդապետին կտանէր, և այս ընթացքով
այնքան սիրուեցաւ Մատթէոս վարդա-
պետէն որ, մինչև իւր բարերար վար-
ժապետին պաշտօն ինքը գրաւեց. վեր-
ջապէս Բաղտասար այնպէս խռովութիւն
մը սերմանեց Տարօնոյ երկրի և վանուց
մէջ, որ եղբայր եղբօր դէմ մահուան
դարան գործելով գերեզման կպատրաս-
տէր. որովհետև յիշեալ Բաղտասարն միա-
բանութեան կողմէն դադանիք առնլով՝
Մատթէոսեաններուն կուտար, և անոնց
մօտէն առնլով՝ միաբանութեան կհաղոր-
դէր: Արդ՝ երկու կողմի բողոքն ալ՝ Պատ-
րիարքարան նկատողութեան առնլով որո-
շում պիտի ընէր, սակայն խօրասանճեան
Ամիրայի որոշումն ամենէն նախադաս
համարուելով՝ խուճբ մը վարդապետ,
կարապետ վարժապետով հանդերձ յաք-

տոր մատնուեցան, և Բաղտասար այս
կերպ զործելով՝ հասաւ իւր նպատակին,
Երբ երկրի հասարակութիւնս սոյն
անհաշտ խռովութիւնը տեսաւ վանակա-
նաց մէջ, որ իբրև զհնոց բորբոքելով
անշիջանելի կերպով ի վեր յերկինս կը-
ծառանար, խուճբ կազմելով ելին վանք
և Մատթէոս վարդապետի ճանապարհ
տալով մերժեցին վանքէն: Պատրիարքա-
րանը ժողովրդոց այս գործն ուղիղ և օ-
րինաւոր համարելով, որոշեց վանքն յանձ-
նել Կարնոյ Գեր. Գրիգորիոս եպիսկոպոսին,
որպէս զի փոխանորդելով վանուց խնամք
տանի, և հասարակութեան սիրտն շա-
հելով երկրի մէջէն խռովութիւն բառ-
նայ: Գեր. Գրիգորիոս եպիսկոպոսն՝ որ
ըստ ամենայնի խոհեմ և ազգասէր էր,
իւր բարի բնաւորութեամբ ոչ միայն Ս.
Կարապետու վանուց ցրուեալ միաբանու-
թիւնը ժողովեց, այլ և միաբանութեան
խմբակէն Բագրատունի Կարապետ վար-
դապետն ալ իւր կողմէն վանուց փոխա-
նորդ կարգեց, և Պատրիարքարանէն յիշ-
եալ վարդապետին համար առաջնորդու:

Թեան արտօնու թիւն բերել տուաւ :
Բաղտասար երբ տեսաւ որ միաբանու-
թեան խմբակն աքսորէ ետ դառնալով
կրկին վանուց մէջ կժողովին , այնչափ
կասկած չունեցաւ աքսորեալներէն , որ-
չափ Բագրատունի կարապետ վարդապե-
տի առաջնորդութենէն . որովհետեւ յիշ-
եալ Բագրատունի կարապետ վարդապետ
և կարապետ պատուելին սերտ եղբայ-
րութեան սիրոյ կապերով ի վաղուց անտի
միմեանց հետ կապուած էին . և Բաղտա-
սարն երկուսի դանակն ալ Մատթէոսի
ձեռքով սրած էր , որոց մին Բագրեանդ
աքսոր ընել տուած էր , և միւսն ալ ըն-
տանեօք ի կարին : Երբ Բաղտասար տեսաւ ,
որ աղուէսի մորթ մուշտակապետին պիտի
երթայ , անմիջապէս կժիկը դրաւ ի Մուշ
իւր հօր պայտառութեան հացին : Բայց
Բաղտասար որովհետեւ ամէն կերպով
խարդախութեան մէջ վարժուեցաւ , կա-
րելի բան էր կենալ ի Մուշ . այն տեղէն
անիւն դարձունելով դէպ ի կ. Պօլիս կը-
դիմէ , ուր կարնոյ Գեր. Գրիգորիոս եպիս-
կոպոսն կղանուէր . յիշեալ Սրբազան որ .

չափ որ միաբանասէր և վանասէր էր, ա-
ւելի հիւրասիրութեամբ Բաղտասարն ըն-
դունելով իւր քովը պահեց, և Պատրի-
արքարանի հաւանութիւնը առնելով Ղա-
լաթիոյ Ս. Լուսաւորիչ Եկեղեցւոյ մէջ
ձեռնադրեց՝ անուանելով Մամբրէ վար-
դապետ, և հետն առնելով տարաւ ի-
նչարին, իրեն մոխանորդ կարդեց:

Ս.յն ինչ Տարօնոյ երկիրն ու վանք
այլ և այլ խառովութիւններէն զերծեալ
խաղաղութեամբ իւր կառավարութեան
մակոյկն կվարէր, նախ շնորհիւ կարնոյ
Գեր. առաջնորդին, որ միշտ սիրով լսելով
Բաղրատունի կարապետ վարդապետի
գրութեանց՝ Տարօնոյ երկրի բոլոր ցաւոց
անմիջապէս դարման կհայթայթէր, և
դեռ Գրիգորիոս եպիսկոպոսի հայրագո-
րով խնամքը նոր սկսած էր վայելել Միա-
բանութիւն, և դեռ Բաղրատունի կա-
րապետ վարդապետի ճաշակն կատարեալ
չառած, և ահա անողորմ մահուան տա-
պարն երկու քն ալ մի և նոյն ձմեռուան
մէջ արմատախիլ ըրաւ: Մահուան ման-
դաղն միայն սոյն ծաղիկներով չբաւակա-

նացաւ. այլ և վանուցս քանի մը փորձ
առեալ անձանց կենաց թելերն ալ կըտ-
րեց, և առնց տեղ յաջորդեցին խուճք մը
շահասէր անձինք. էր մաս մը որ Մամբրէ
վարդապետի վարմանց հմուտ չէին, և
էր մաս մը որ ոչ ինչ պակաս քան զՄամբ-
րէ վարդապետ, կրկին խռովութեան
կրակն վանուց մէջ վառեցին, և շատ
չմնաց որ փոթորիկ յարուցանեն նոր ա-
ռաջնորդի մը ընտրութեան մասին, որով-
հետև ոմանք դուրսէն կուզեն և ոմանք
ներսէն. բայց Պատրիարքարան արդէն
իւր որոշումն գիտէ. Չաքարիա վարդա-
պետն՝ որ Եդեսիայէն եկած էր, զայն ո-
րոշեց առժամանակեայ փոխանորդ. բայց
տարի մը անցնելէն զկնի, սոյն պաշտօն տըր-
ուեցաւ Կեսարացի Կարապետ եպիսկոպոս-
սին. իսկ Կարապետ եպիսկոպոսն՝ որ ամէն
կերպով բնաւորութեամբ մեղմ և քաղցր
էր, և խաղաղութիւնն ոսկի նարօտի պէս
միշտ վզէն կախուած էր, ուստի ելք
յիշեալ ծերուկ Կարապետ եպիսկոպոսն
եկաւ վանք, ուզեց որ բոլոր միաբանու-
թիւնը քաղցրութեամբ սիրաշահէ, և

Մամբրէ վարդապետն ալ կարինէն բերել
տալով իրեն փոխանորդ ըրաւ վանուց
մէջ, և սոյն գրու թեամբ միայն չթո-
ղուց Մամբրէ վարդապետն. երբ գնաց
Ս. Էջմիածին, վեհ. Մատթէոս կաթողի-
կոսէն ալ պատուանշան իսպ հետը բե-
րաւ. միով բանիւ առաջնորդութեան ա-
նուն միայն ունէր կարապետ եպիսկոպոսն,
բոլոր գործերն յանձնած էր Մամբրէ
վարդապետին. բայց Մամբրէ վարդապետ
որ աւելի անձնասէր և փառասէր էր,
անուանց յորջորջումն սիրելի էր, երկրի
և վանքի մէջ խուսք կազմելով կուզէր
կարապետ եպիսկոպոսն գահավէժ առ-
նել, և դինքը նորա տեղ առաջնորդ հաս-
տատել. ուստի գործն սոյն գրու թեամբ
չատ չերկարեց, որովհետև յիշեալ ե-
պիսկոպոսն չունէր այն կեղծ քաղաքա-
կանութիւնը որ Մամբրէ վարդապետի
ճարակութեանց դէմ կենալով գործա-
դրէր. սոյն վատ ընկերութիւն այնպիսի
դժնդակ օր մը բռնաբարեց զկարապետ
եպիսկոպոս վանքէն դուրս արտաքսելու,
զոր տեսնող աղէկտուր լինելով սիրալ

կրեկէր, որովհետեւ խոր աշնան միջոցին
լուսներ՝ ձիւնապատ, երկնից ամպեր ձիւ-
նախառն անձրեւ հոսելով, և դաշտի ե-
րեսի վրայ դետօրէից պէս հեղեղելով
կպղպղճար. թողունք յիշեալ եպիսկոպոսի
արտանմլիկ խօսքերն, որ սրտի ցաւօք կը-
սէր, « Առէք զիս և ընկեցէք ի ծով, զի
ծովն դադարեացի ի խռովութենէ » Ս. րդ՝
որչափ որ հեծկլտալով սոյն խօսքեր կը-
սէր, աչաց արտասուք աւելի քան զերկ-
նից ամպերն հոսելով, երեսի վրայէն
առուակ լինելով՝ զինք կթանար: Երբ
այսպէս ծերունի եպիսկոպոսը վանքէն
դուրս ըրին, միոյ հաւանութեամբ ընտ-
րեցին զՄամբրէ վարդապետ՝ փոխանոր-
դել Ս. կարապետու վանուց, և միոյ հա-
ւանութեամբ գրեցին ի Պատրիարքարան՝
և Մամբրէ վարդապետի համար առաջ-
նորդութեան հրովարտակ և կոնդակ բե-
րին: Մամբրէ վարդապետի կուսակիցք
սոյն վատութեան դիմեցին, բայց թողո-
վըրդեան մեծ մասն ի սիրտ վիրաւորեցան.
Մշոյ քաղաքի հասարակութիւնը տեսնե-
լով սոյն եպերելի ընթացքն՝ առին կաւ

բապետ եպիսկոպոսը, տարին ի Մուշ, և
դնելով Ս. Յարութիւն Եկեղեցւոյ մէջ
պաշտպանելին իրենց ծերուկ եպիսկո-
պոսն մինչև դարուն, մեծ Զատկի բարի
օրերն:

Արդ՝ մինչդեռ Տարօնոյ երկիրն այս-
պէս բաժնուեցաւ, և խռովութիւն օր
քան զօր բարձրանալով, բողոքներ դար-
նան հեղեղի նման կվաղէին Պօլսոյ հը-
րապարակներ, Պատրիարքարան երկու
կողմանց բողոքներ նկատողութեան առ-
նելով, որոչևց որ կարապետ եպիսկոպոս
դարձեալ առաջնորդութեան պաշտօն
վարէ. բայց յիշեալ եպիսկոպոս երբ մը-
տաբերեց որ, եթէ խռովութեամբ կրկին
Առաջնորդ նստելու լինիմ՝ ինչ քաղցրու-
թիւն պիտի վայելենք, և զայս ըսելով
անմիջապէս հրաժեշտ տուաւ առաջնոր-
դական պաշտօնէն, և զինք իբր անկա-
րող ոք ներկայացունելով ի Պատրիարքա-
րան, և խնդրելով կեսարիոյ Ս. Գանիէլի
վանք, ու երթալով այն տեղն՝ հանդեաւ
ի Քրիստոս Երբ գործն սոյն կերպարանք
առաւ և Մամբրէ վարդապետ կրկին

փոխանորդութեան պաշտօնի մէջ մնաց .
և ժողովուրդը բաժնուած՝ ոմանք ի հը-
րէայս և ոմանք յԱռաքեալս , իսպառ
հանդարտութիւն չունէր , Պատրիարքա-
րան ընտրեց զԽրիմեան հայրիկ՝ Տարօնոյ
երկրին և վանքին առաջնորդ , ուր մնաց
նոյն պաշտօնի վրայ մինչև Աղգային ժո-
ղովոյ միաձայն քուէով և հաւանութեամբ
ընտրեցաւ ի պատրիարքութիւն Թուրքիոյ ,
և հրաւիրեցաւ ի Կ. Պօլիս :

Մեր նպատակն այն չէ , որ սոյն
տեարակի միջոցաւ զոմն շատադովենք , և
զոմն պարսաւելով անպատուենք . միայն
Տարօնոյ վանուց անցից բուն պատմու-
թիւնն է որ կհրատարակենք . մեր իսկ
տեսած բաներն են , որ կգրեմք փոքր ի-
շատէ . արդարասիրութեան ոգւով ըն-
թերցողք կարող են մակաբերել Տարօնոյ
վանուց միաբանութեան կացութիւնը . թէ
ինչպէս վարուած , և ինչ ծառայութիւն
մատուցած են Աղգին :

Երբ տեսաւ Պատրիարքարան , թէ
Ս. Կարապետի վանուց խռովեալ վիճակն
օր ըստ օրէ կվատթարանայր , ընտրեց

զԽրիմեան Հայրիկ զրկել Առաջնորդ .
 բայց Խրիմեան Սրբազան հայրիկ զխտէր
 որ Մամբրէ վարդապետ ամեն կերպով
 ըմբշամարտութեան մէջ կիրթ է, զինք
 երբէք առաջնորդի տեղ չդասելով՝ իբրև
 Քաղէք մը եկաւ Աւետեաց երկիրն լըր-
 տեսելու . իսկ Մամբրէ վարդապետ որ
 Խրիմեան հայրիկի մուտ և ելն գիտէր,
 իսպառ կարևորութիւն չտալով՝ անպատ-
 ուեց զԽրիմեան, այնպէս որ վարդապետի
 մեծ բազմութեան ժամանակ սենեկէ
 ի սենեակ փոխեց զԽրիմեան Հայրիկ և
 Խրիմեան Հայրիկն հարկադրեալ նստելով
 տանեաց կտուրի վրայ, կըսէր թէ, այս
 տեղ դուրս է՝ աստի ո՛չ ոք զմեզ չհալա-
 ծէ, ուրեմն աներկիւղ կերպով նստինք,
 եւ անմիջապէս վերադարձաւ ի վարագ-
 միջոց շատ չանցաւ՝ իւր որոշեալ պաշ-
 տօնին եկաւ ի Տարօն. Մամբրէ վարդա-
 պետ նկատեց որ միաբանութեան մեծ
 մաս Խրիմեանին հակած են, սկսաւ ջա-
 նալ երկփեղկել զմիաբանութիւն, և քանի
 մը սարկաւազներ դրդեց թէ, ձեռնա-
 դրութեան խնդիր մը առէք Խրիմեանին,

և մեր ի սրտէ ջանալով զձեզ ձեռնադրել տանք. երբ Խրիմեան Հայրիկ սոյն խաղը նկատեց՝ խնդրարկուաց խօսք տրուաւ թէ, անմիջապէս ես զձեզ պիտի ձեռնադրել տամ. Մամբրէ վարդապետ տեսնելով որ կարող չէ իւր նպատակին հասնիլ միաբանութեամբ, իր նախկին բարեկամներ ձեռք առնելով՝ ուղեց որ ժողովրդեան ձեռօք կարապետ եպիսկոպոսի գլխարկն Խրիմեան Հայրիկին դըլուխն անցունէ. վիճակայինք ժողովեցան ի Մուշ աղգային դործով, և ուղղակի Խրիմեանին առաջարկեցին, կամ մեր արքունական հարկերն թեթեցուր, և կամ ինչպէս որ եկած էք, այնպէս վերադարձէք: Խրիմեան Հայրիկ ընդունեց հասարակութեան առաջարկութիւնը, և ըստ թէ պատրաստ եմ ձեր հարկերն թեթեցունել տալ. սակայն հիմայ պիտի վան երթամ, ի վերադարձիս կաշխատիմ, իսկ եթէ տեղս չեղաւ՝ մինչև Պօլիս դնալով՝ ձեր խնդիրն կատարելու կաշխատիմ. սոյն խօսքերով Խրիմեան Հայրիկն աւելի սիրուեցաւ ժողովրդէն, և այսպէս ըզ-

Մամբրէ վարդապետ թողուց ի Մուշ իւր
տեղ փոխանորդ, և ինքը գնաց ի Վարազ:
Երբ հասաւ Յրօնք գիւղ, անտի գրեց
առ Մամբրէ վարդապետ, որ ելնէ երթայ
Մուշէն, և ուր կուզէ՝ երթայ. իսկ Մամբ-
րէ վարդապետ գիրն առնելուն պէս
թողուց զՄուշ և եկաւ վանք. քանի մը
օրէն յետոյ զվանքն ալ թողով՝ գնաց
Քղի, և այն տեղ ժողովրդեան սիրտն ու
միտքն որսալով, վիճակն բաժնեց վանքէն
և զինքը ազատ առաջնորդ ընել տուաւ:

Արդ՝ դեռ Խրիմեան հայրիկ վանք
չդարձած, վանուց Միաբանութենէն Յա-
րութիւն անունով վարդապետ մը իւր
կեանքը կնքեց: Սորա համար յառաջա-
դոյն կարծիք կար, թէ ունևոր է. որով-
հետև յիշեալ Ճապաղջուրցի Յարութիւն
վարդապետ իւր հայրենական կալուած-
ներ վաճառելով՝ վանքը բերած էր, և
իւր վատ աղահուծեամբ ժողոված դը-
րամներ քովը պահեստի մնացեր էր, սոյն
պահեստի դրամներ այլ և այլ աւաղա-
կութեան մատնուելով՝ վանուց մէջ մեծ
խռովութիւն պատճառեց, թէ հանդու-

ցիալ վարդապետի տկար եղած միջոցին
պահապաններն ծխնելոյզ քակելով գո-
ղացեր էին. սոյն աւագակութեան մասին
ոչ ոք տեղեկութիւն չունեցաւ մինչև
Հայրիկի վերադարձն. երբ խրիմեան Հայ-
րիկ մուտ գործեց ի վանք, հանգուցեալ
վարդապետի սենեկի դուռը բանալով
տեսին որ ամենայն ինչ կատարեալ է,
ահա նոր պիտի սկսի խռովութիւն, որ
քան զամեն խռովութիւն գերազանց է.
ուտտի երբ ամէն կերպով նկատեցին որ
վախճանեալ վարդապետի կահ կարասիքն
աւագակի մատնուած է, վանուց մէջ
հաւատաքննութեան ատեան մը բաց-
ուեցաւ, և կարծիքն իբրև իրական ըմ-
բռնուելով դատապարտութեան վճիռներ
կարձանագրուէին. ոչ ոք մատնութենէ
զերծ չմտաց, և որոնք որ նոյն միջոցին
վանքը գտնուած էին՝ բոլորն ալ ի բանտ
մատնուելով դատապարտուեցան. վար-
դապետաց խումբն բոլորն ալ սկսան խը-
րիմեան Հայրիկի միտքը դեղել, առ նա-
խանձու կուղէին միմեանց կեանքն բառ-
նալ իսպառ յերկրէ. իսկ հասարակ միա-

բանու թիւն բողոքովին մատնուած ի բանա՝
 իրենց անմեղու թեամբ բողոք արձակեցին
 թէ, կարելի է որ արդարն ալ մեղաւորաց
 հետ դատապարտուի, որովհետեւ հան-
 դուցեալ վարդապետի կարասեաց մա-
 տունքներ յիշեալ սլահապաններու քովէն
 ելին, և այնպէս ալ մեծ դումար մը բա-
 տակ, և քանի մը ծրար ալ եկեղեցւոյ
 դուռը դտան. ուստի խռովու թիւն այն-
 պէս բարձրացաւ, որ եղբայր եղբօր թըշ-
 նամի եղած էր. բողոք միաբանութեան
 արկղներ ժողովեցին, և որոյ արկեղի մէջ
 դրամ դտնուէր՝ կ'յափշտակէին թէ մեռ-
 սող վարդապետին է. ի վերջոյ ամեն չա-
 բիք գործուեցաւ, բաց մարդասպանու-
 թենէ. սկսան այլազգիք մեր կրօնքն ծաղ-
 րել թէ ստակի համար չարիք չթողուցին
 որ միմեանց դէմ՝ չգործեցին. հուսկ ու-
 թեմն աղատեցաւ Միաբանութիւն, և այս
 խռովութիւնը մտնելով երկրի մէջ՝ բողոք-
 ներ դարձեալ շարունակել սկսան, մինչև
 Խրիմեան Հայրիկ հրաւիրեցաւ ի Պօլիս:
 Արդ՝ երբ Խրիմեան Հայրիկ դնալու էր
 ի Պօլիս, իւր տեղ փոխանորդ դրաւ Գը.

251
49

ընդ որիս վարդապետ . Գրիգորիոս վարդապետն փոխանակ համեստութեամբ և քաղցրութեամբ վարուելու , անխոհեմութեամբ՝ Հայր Խրիմեանի բոլոր բարեկամաց սիրտը ցաւօք լեցուց , և այս կերպ վարուելով խռովութիւն աւելի ծանրացաւ , և նորահնար մատնութեանց դիմելով այլ ընդ այլոյ ծանօթութիւններ կուտային Մշոյ կառավարութեան , մինչև որ Պատրիարքարան հարկադրեալ՝ քանի մը վարդապետ , և փոխանորդ Գրիգորիոս վարդապետն կոչեց ի Պօլիս ի դատաստան : Արդարև Պատրիարքարան ինչ որոշուած տուաւ այս անցից նկատմամբ՝ մեզ յայտնի չէ , միայն բաւական դատուելէն յետոյ՝ վարդապետք արձակուելով կրկին վանքը եկին , իսկ Մամբրէ վարդապետ՝ որ ամեն ժամանակ միաբանութեան միտքն ի կռիւ և ի հակառակութիւն կդեղէր ընդդէմ Խրիմեան Հայրիկի , միաբանութեան դատուած միջոցին գիր տալով ի Պատրիարքարան թէ , ես Ս. Կարապետու վանուց միաբաններէն չեմ , խոյս տուաւ և այսպէս մերժեց զինքը միաբա-

նութեան ուխտէն: Միաբանութեան վանք
դալէն զկնի շատ շանցաւ՝ Խրիմեան Հայ-
րիկն ալ վերագարձաւ: Ժողովուրդը՝ որ
շատ մը բարիք ակն ունէր Խրիմեան Հայ-
րիկէն՝ իւր խոստման համեմատ, որ Մշոյ
մէջ ըրաւ թէ ձեր հարկեր պիտի թեթե-
ւնեմ, երբ տեսաւ որ Ազգին երբէք դործ
մը չէ եղած, և միայն իւրաքանչիւր ոք իւր
կամք առաջ տանելու համար խռովու-
թիւն հանած է. յարձակեցաւ Խրիմեան
Հայրիկի վրայ և վանքէն դուրս ըրաւ.
Խրիմեան Հայրիկ սոյն նոր խռովութեանց
երեսէն հարկադրեալ կրկին դիմեց ի Կ.
Պօլիս և Պատրիարքարան, վարդապետաց
դէմ բողոքեց, որոյ վրայ Պատրիարքարան
ստիպուեցաւ Կարնոյ Գեր. Յարութիւն
Եպիսկոպոսին գրել և ղրկել ի վանք ի-
քննութիւն:

Պատրիարքարանը դիտմամբ Յարու-
թիւն Եպիսկոպոսը ղրկեց, և դիտմամբ
քննութիւն բացաւ, որովհետեւ 30 տա-
րի մօտ էր, որ խռովութիւնը ընկած էր
վանուց և երկրի մէջ և անչիջանելի կրակի
պէս մնացեր էր: Առաջի որոշումն այս

էր. Կեդրոնական վարչութիւն, ըստ
սահմանադրութեան, ձեռ իրաւունք տը-
ուած է՝ վանահայր մը ընտրէք, ինչպէս
որ սահմանադրութիւն կտրամադրէ. իսկ
երկրորդ, իրենք որոշած էին Խրիմեան
Հայրիկ վանահայր, և այնպէս քանի մը
անձինք ալ Տնօրէն ժողովոյ անդամ: Սոյն
որոշմամբք Գեր. Յարութիւն եպիսկոպո-
սըն եկաւ վանք. քանի մը անմեղ ան-
ձինք մասնուեցան ի դատապարտութիւն
ի կապանս աքտորանայ, և խռովասէր ան-
ձինք կրկին զերծ մնալով ծափ զծափի զար-
կելով կրկին վանքի խաղաղութիւնը աղմը-
կեցին: Ահա սոյն կէտերն կ'թողունք Հայր
Խրիմեանին, թող Հայրիկ խղճով վկայէ:

Ի՛նչ որ կգրենք, այսուհետև պէտք
եղած նամակներու պատճէններով կներ-
կայացունենք, յորոյ ակներև պիտի տես-
նուի, թէ ո՞րով նարպկութեամբ Մամբրէ
եպիսկոպոս խառնեց զվանք և ինչպէս
իւր նպատակին հասաւ, և թէ՛ ի՛նչ չա-
րիք դործելով վանուց մէջ՝ մինչև վանքի
հիմը տապալելով, ծանր պարտուց ևն-
թարկեց:

Յայտնի է վանուցս 1866 ի խռովու-
թիւնը, որ բոլոր լրագրաց միջոցաւ ամեն
ուրեք հրատարակուեցաւ քանի մը վար-
դապետաց նկատմամբ, որ չարչարանաց
խառն շալակելով՝ մինչև ի Ս. Երուսաղէմ
գնացին: Երբ շղթայակապ ճանապարհին
կերթայինք՝ մեզ ընկերացող զօրականաց
մեծը, մտրակով սաստիկ մեր ձիերն կը-
խթանէր, որ ձիերն զմեզ գետին ձգեն.
մեք քաղցրութեամբ աղաչելով կըսէինք,
կբաւ է զմեզ նեղէք: Իսկ զօրականն սկսաւ
հայհոյել, այնպէս ոչ կըօնք ոչ հաւատա . . .
նն. խնայելով: Ս.րդ՝ երբ տեսանք որ կու-
ղէ մեր արիւն լափել, մեք ևս փոխարէն
իրեն ըրինք ի՛նչ որ պէտքն էր, մէկէն
հրացան դնելով սրտիս վրայ՝ ուղեց բա-
նալ, բայց բարեբաղդարար անձրևու
սաստկութենէն հրացանի վառող ջուր
էր եղած. որչափ արձակեց՝ միայն լուց-
կիքն առնելով ներգործութիւն շունեցաւ.
Ի վերջոյ տեսաւ որ հրացանով գործ չը-
լինիր, սրով յարձակեցաւ. իսկ մեք երբ
նկատեցինք որ մեր վերջին շունչն է. ըս-
կըսանք զմեզ պաշտպանել, մինչև մեր ըն-

կերներ հասին մեր կեանքն ճողոպրեցին,
և յետոյ զիս շուանով կրկին կապեցին, և
այսպէս երեք օրուան ճանապարհ տա-
րին. և երբ Տօտեցանք ի Տիգրանակերտ,
զիս արձակեցին և մեր ընկերներով խըղ-
ճութեամբ մտինք յիշեալ քաղաքն. մէկ
ժամու չափ կառավարութեան դուռը
կապուած մնալէն զկնի՝ ուրիշ զօրակա-
նաց յանձնելով Ալիփաղար գիւղն տարին.
յետոյ լսելով տեղւոյն բարեպաշտ ժողո-
վուրդն և Յակոբոս եպիսկոպոսն՝ մեզ
օգնութեան հասան. երեք օր յիշեալ գիւ-
ղը մնալէն յետոյ զօրականք կրկին եկին,
և Յակոբոս Սրբազան ու ձէնէզեան Առա-
քել աղան աղաչեցին թէ վարդապետներն
մի չարչարէք: Արդ՝ երբ ճանապարհ ե-
լինք՝ ըսին թէ, 4 ժամու ճանապարհ
ունիք այսօր. երբ Ալիփաղար գիւղէն մեկ-
նեցանք, մեր զօրականք սկսան այլ և այլ
պատճառներով զմեզ թողուլ և երթալ,
իսկ մեք գնալով մինչ ժամ 11 $\frac{1}{2}$, նոր ե-
լինք բարձր լեռան մը գլուխ, ուր իսպառ-
չինութեան հոտ չկար և միայն արիւն
կհոտէր. մեք ժողովեցանք մէկտեղ և ը-

սինք թէ մեր գերեզմանի դուռն կեր-
թանք մեք. մէկ զօրական մնացեր էր քո-
վերնիս, զայն ևս բռնեցինք և մեր հետն
առնելով ճանապարհնիս շեղեցինք. գի-
շերուան մթոյ մէջ թաղուելով դժնդակ
ձորի մէջ մտինք, զառի վայր գլորելով
կերթայինք, բայց ուր, միայն Տէր գիտէ.
ի վերջոյ գնալով բարձր սուր և խոռոչա-
ւոր քարերու ներքև միասին ժողովեցանք,
ըսինք արի զինուոր, զմեզ ուր կտանէիր.
սլատմեց թէ, մեր ընկերներով խորհեցանք
զձեզ սպաննել, որովհետև ձեզ նման որս
մը ամեն ժամանակին ձեռքերնիս չանց-
նիր. իսկ լուսոյ մօտ ձիւնախառն անձրև
գալով մեր վրայ, և առաւօտեան ելնելով
մեր զօրականով միասին Ղարաբաղայ
գնացինք: Հոկտեմբերի վերջին օրերն էր,
որ այդ լեռներու գլուխ զմեզ կչարչարէ-
ին. ինչ և իցէ՝ այս կերպ չարչարանքով
մինչ Ս. Երուսաղէմ վարուեցանք: Սոյն
ըսածնուս ոչ միայն երկինք և երկիր վը-
կայ կկացուցանեմ, այլ և Տարօնոյ աշ-
խարհէն ելնելով և Արաբիոյ խոր խորշե-
րու մէջ տեղէն անցնելով մինչև Ս. Երու-

սաղէմ ճանապարհի վրայ տեսնող բոլոր
ազգայինք զխտեն և վկայեն, թէ ինչ
նահատակու թեան հանդէսով կվարուէինք
և այսպէս գայթակղու թեան քար եղած
էինք մեր սիրելի ազգայնոց աչքերուն, և
ըսելով կըսէին թէ արդեօք ինչ չարիք
դորձողներ են, որ անողորմաբար և կե-
ղեքելով կվարուին հետերնին: Երբ մուտ
դորձեցինք ի գերահրաշ վանս Ս. Յակոբ-
եանց, Եսայի Ս. Պատրիարք Հայրն իւր
մի արանու թեամբ հանդերձ մեզ վշտա-
ցելոցս ամէն կերպով մխիթար հանդի-
սացան: Այս կէտեր կարդացած ժամա-
նակ, թող Խրիմեան Ս. Հայրիկի ազանջը
խօսի, որովհետև ի խղճէ ստիպեալ յան-
մեղս մեր կրած շարշարանաց մասին ինչն
ևս պիտի վկայէ, վասն զի բուն իսկ Ս.
Հայրիկն ալ վանուցս կեղծ սրբու թեան
և ճարպկու թեան շուանով կսպուեցաւ,
որովհետև մէկ կողմէն խարդախ սրբու-
թիւն մը կը շողար և միւս կողմէն կեղծ
սէր մը կվայլէր վանուց մէջ, և այս ա-
մենուն վանուցս լուսարար, և Մամբրէ
վարդապետն հեղինակ լինելով կապած

էին բոլորի միտքն . աներկիւղ կրսեմ ,
մինչև անգամ բուն իսկ Հայրիկ սխալե-
լով դայթակղեցաւ այդ քարով , ընդու-
նելով կեղծ լուսարարի բորոտ պաշտո-
նէի ըրած պարտուց 75000 դրչի դումա-
րըն , որ վանքէն վճարուեցաւ . և թող
դայս , նորէն ձեռք մը եկեղեցւոյ դղեաս-
ալ պարտիղի սենեկէն դուրս ելնելով որ
բոլորն լափած էր . . . և ին . և երբ կար-
նոյ դեր . Յարութիւն եպիսկոպոսն քննիչ
եկաւ , յիշեալ ծախուց նկատմամբ սոխի
և սխառի սերմերով լեցուն ցուցակ մը
կվաւերանայ լուսարար վարդապետին :
Իսկ Մամբրէ վարդապետն վանուց ցուպն
առնելով ի ձեռին և վանուց դպրոցա-
կաններէն ալ զոմանս յինքն յանկուցա-
նելով Բարուքայ ողբը նուագելով կրսէր ,
դնացէք , որդեակք իմ , դնացէք Սհա
սոյն ճարտար անձանց վարմունքն ի ներ-
քուստ և ի վերուստ Խրիստեան Հայրիկի
ոխրան առ միաբանութիւն կգրգռէին .
իսկ խարուսիկ քաղաքապետն դիտէր որ
անմեղ գնացողք պիտի դառնան , բայց
երբէք իրենց մտքէն չէր անցնէր :

որ իրենց գործեր պիտի խայտառակին օ
Անդան մեր վրայէն խել մը տխուր
օրեր, եկան այն խաղաղ ժամերն, որ
բարեխնամ Եսայի Ս. Պատրիարք Հայրն,
Ս. Երուսաղիմէն դրով առնլով զհաւա-
նութիւն. ամենապատիւ Ս. Պօղոս Պատ-
րիարքի Կ. Պօլսոյ, զըկեց զմեզ ի Կ. Պօլիս,
ուր կգտնուէր Խրիմեան Հայրիկն ալ.
Ս. Պօղոս այն կեդրոնական վարչութիւն, ան-
ցած անցքերն քննութեան ենթարկելով
որչափ որ զմեզ անմեղ դատեց, այնչափ
ալ զԽրիմեան Հայրիկն ազդասէր տրա-
մադրեց: Իսկ մեր ընկերներէն Յակոբ
վարդապետ՝ որ կատարեալ աշակերտու-
թիւն ըրած էր կեղծ բազաբապետին,
չհամներով իւր նպատակին, որ Մամբրէ
վարդապետին առաջնորդ լինելով մեր
հետն վանք դառնար, ընդ վզեց կեդ-
րոնական վարչութեան բարձր որոշմանէն
և կրկին սրտակոտոր դարձաւ Ս. Երու-
սաղէմ՝ կեղծ սրբութիւն մը վարել.
Խրիմեանի անկման կապասէր և Մամբրէի
յաջորդութեան, իսկ մեք քանի մը եղ-
բարց հետ՝ որ սոյն խաբուսիկ ծրագրէն

տեղեկութիւն մը շունէինք, աիրով ըն-
դունեցինք Ազգային կեդրոնական վար-
չութեան հրաման, և Խրիմեան Հայրիկի
հետ միասին գացինք մեր հայրենի եր-
կիրն :

Որչափ որ բարեխնամ ազգային ք
ղմեղ իբրև հայր և որդի արձակեցին,
սակայն բնութեան ներքին ցնցումն մը-
ղելով զմեզ խիթիւ միմեանց կդիտէինք,
և խռովութիւն սկսաւ դարձեալ տա-
րածուիլ, որով Խրիմեան Սրբազան Հայ-
րիկն վերստին վանքէն դուրս պիտի ընէ-
ին, բայց Խրիմեան Հայրիկ ըստ յաջողու-
թեան իւր բարի բախտին՝ բարձրացաւ
յաթոռն Պատրիարքութեան Կ. Պօլսոյ,
մեք ևս գալով Պոլիս՝ կբնակէինք, ինչ
անցքեր որ անցան մեր և հայր Խրիմեա-
նի մէջ տեղ, կթողունք, որովհետև անց-
եալ խռովութեանց նկատմամբ եղած
գրուածներ կեցած են երկու կողմէն ալ,
Բայց գովելին այն է, որ խռովութեան
ետևէն աւելի խաղաղութիւն թաղաւո-
րեց մեր մէջ, և սուրբ սիրոյ քաղցրիկ
հողմն հնչելով Հայրիկի սրտի մէջ, սկը-

առ իւր հայրադորովն խնամքն մեր վը-
րայ սփռել, և հետեւեալ պաշտօնական
դրով ղրկել զմեզ մեր հայրենի երկիր,
որոյ վանահայրն ալ դեռ ինքն էր :

« Արժանապատիւ փոխանորդ հայր,
և Գլակայ ուխտին վանական ժողովոյ
մեծարոյ անդամք. — Ահա կդառնան
ողջամբ իրենց հայրենի տուն ի Ս. Կարա-
պետի վանս, ուսումնասէր եղբարք՝ Տէր
Նսայի և Տէր Կարապետ միաբան վար-
դապետները, դ. օ. քա սրով իցէ դժպատեհ
առիժներով բաւական ժամանակ օտա-
րութեան մէջ դեզերեցան և հեռի մնա-
ցին . . . և ըն. ես ըստ իմ հայրական
պարտեաց ընդունեցի և պատուասիրեցի
զիրենք. կպահանջեմ որ Գլակայ վանուց
ժառանգորդ եղբայրներն ալ նոյն առ-
նեն, այսինքն նոյն սիրով և մեծարանօք
ընդունին զիրենք . . . և ըն :

« Ահն ունիմ զի այսուհետեւ սոքա
և համայն միաբանական ուխտն պարտ
ու պատշաճ քաղաքավարութեամբ վար-
ուելով ընդիրեարս ամրապէս վերահաս-

տատուիք ի սէր, ի միութիւն ի խաղա-
ղութիւն և ի շինութիւն սուրբ ուխտիդ .
. . . և ըն: Ոմանք այնպէս կարծեցին և
տակաւին ի նոյն կարծիս կան թէ, խը-
րիմեան Հայրիկ օտար և անժառանգորդ
գոյով . . . Գլակայ ուխտի բնիկ ժառան-
գորդ եղբայրներ տարադիր ցրուեց ու
բաժնեց, զի ինքն միայն տիրեացէ: Քառ,
օն և օն արասցէ Տէր, թէ Հայրիկ եր-
բէք մտաբերեր է այդպիսի ինչ, զի դի-
տեմ և կը ճանչեմ իրաւունքը թէ, Ա.
կարապետի բնիկ միաբան եղբայրները
նոյն վանուց հարազատ ժառանգորդնե-
րըն են . . . և ըն:

« Թէ և բաւական ժամանակ Տարօնոյ
աշխարհին ծով յուղեցաւ ու խռովեցաւ,
օրհնեալ է Աստուած, այժմ հանդարտ է,
դնային այդ խռովայոյղ օրերը, մեր և
ձեր հաշտութեան ծիրանի գօտին Գլա-
կայ բլրակին վրայ կամար կապած է,
ինդրեմ որ այս սուրբ սիրոյ նշան մըշ-
տատե պայծառ պահէք, շթողուք այլ
ևս, որ այդ մըրկալից փոթորիկ անդրէն
վերադառնալով վերստին խռովին եղ-

բարք . . . և ընդ իսկ ես որ գուրկ և հե-
 ուի եմ և կարօտ իսկ միաբանական խմբիդ,
 աղօթելով խնդրեմ . . . և ընդ եւ ես կա-
 ղ յիթեմ վասն ձեր եղբարք որ այդ հաշ-
 տութեան աղեղն միշտ փայլի մենաստա-
 նիդ վրայ, և մի՛ երբէք անյայտ լիցիմ ա-
 չաց և ի սրտից ձերոց և դուք առ հա-
 սարակ միաբան խորհեցէք միաբան գոր-
 ծելով ի լաւ անդր յառաջդիմութիւն ի
 փառս Տարօնոյ աշխարհին, և Գլակայ
 հռչակաւոր մենաստանիդ : »

Աղօթակից ձեզ

Պ. Կ. ԽՐԻՄԵԱՆ ՀԱՅՐԻԿ

Երբ մեք սոյն հաշտութեան պաշ-
 տօնական գրով մուտ գործեցինք ի Ս.
 վանս, վանուց փոխանորդ՝ արժանապա-
 տիւ Գարեգին վարդապետն էր. յիշեալ
 փոխանորդի սիրտն ուրախութենէն
 թունդ առաւ, այնպէս սիրով զմեզ ըն-
 դունեց, ինչպէս որ Հայր Խրիմեան գը-
 րած էր թէ, հաշտութեան ծիրանի դօ-
 տին կամար կապած է Տարօնոյ բլրակի
 վրայ. ուստի արժանապատիւ փոխանորդ

աւելի սիրոյ և խաղաղութեան աղբիւր
եղաւ. իսկ մեք իսպառ մոռցանք մեր
կրած հալածանք, սուրբ սիրով և խա-
ղաղութեամբ միաբանելով միմեանց հետ.
և սոյն խաղաղութեան վրայ փոխանորդ
հօր հետ հիմնեցինք կեդրոնական վար-
չութեան տուած վանօրէից խորհրդոյ հը-
րահանգն, և ըստ տրամադրութեան սոյն
հրահանգին՝ ի ձեռն Արժ. փոխանորդ
Փարեգին վարդապետին, անխարդախ
կերպով ըսլոր հաշիւներ ի լոյս գալով,
ամէն մարդ ազատ դիտողութիւն ըրաւ,
և իւր կարծիքն յայտնելով խոհեմու-
թեամբ և սիրով լուծուեցաւ. նոր Տնօրէն
ժողով ընտրուեցաւ ըստ հրահանգին,
նոր կազմեալ ցուցակներ շինուեցան, և
որոշուեցաւ որ այսուհետև ամէն ծախք
և եկամուտ նոր հրահանգին համեմատ
լինի. մի որ կուզէ այս մասին աւելի տե-
ղեկութիւն առնել, թող 1873 և ապրիլ
11ի արձանագրութիւններ կարդայ, որ
Ս. կարապետու վանուց գիւանատան
մէջ կգտնուին:

Բայց Մամբրէ վարդապետ, որ զԲՂԻ

բաժնեկով վանքէն՝ ինքը առաջնորդեց,
և այն տեղ ապա խռովութիւն հանելով
ձգեց, և այն տեղէն դալով ի Բաղէշ՝ օղ-
պարան պիտի հաստատէր, ձեռք ձգեց
Տարօնոյ Ս. Սուրբելոց վանք, ուր հին
դրեանք թարգմանելով աղղը պիտի լու-
սաւորէր, և այսպէս Գղի, Բաղէշ բաւա-
կան ստակ հաւաքելով յանուն տպարանի՝
երբէք բան մը չըրաւ. թողունք այտա-
քին զեղծումները, որ Բաղշոյ մէջ խռո-
վութիւն հանելով եկաւ Կ. Պօլիս. պիտի
դատուէր, և Բաղշոյ իրաւունքն արդա-
բայնելով կրկին պիտի իւր վիճակն դառ-
նայր. միւս կողմանէ Բաղշոյ ժողովուրդն
ալ հանրագիր տալով խնդրեց Պատրիար-
քարանէն, որ Մամբրէ եպիսկոպոս ըլլայ.
և Ս.դդ. վարչ. ալ այս կերպ վաւերացոյց,
և զրկեց Բաղշոյ նկատմամբ Ս. Էջմիածին
առ. վեհափառ Գէորգ կաթողիկոսն, և
Բաղշոյ վրայ եպիսկոպոս ձեռնադրեց,
Ս.դդ. եթէ Բաղշոյ եպիսկոպոս էր, երբ
ձեռնադրուեցաւ, ինչո՞ւ չզնայ Բաղէշ,
թողոց վիճակն նոյն տարտամ կացու-
թեան մէջ և եկաւ Կ. Պօլիս. բայց Մամբ-

րէ Սրբազանի Մատքը ոչ Պօլիս և ոչ Բա-
ղէշն է, այլ Տարօնոյ բլրակն. և եթէ
Խրիստեան Սրբազան Հայրիկ կարող է հաշ-
տութեան կարմիր դօտին կամար կապել
տալ, միթէ կարող չէ՞ Մամբրէ Սրբա-
զան զայն հաշտութեան ծիրանի դօտին
քակելով նորա տեղ խռովութեան սև
դօտի մը կապել, որովհետև Մամբրէ
Սրբազան թող տալով զԲաղէշ, Կ. Պօլիս
Վանօրէից խորհրդոյ ժողովին ատենա-
պետ եղաւ, կարելի՞ բան է, որ Մշոյ Ա.
կարապետու վանուց միաբանութեան մէջ
խռովութիւն չհանէ, Մինչդեռ վանքին
դրութիւն խաղաղ էր, և արժանապատիւ
փոխանորդ Գարեգին վարդապետն նոր-
ընտիր Տնօրէն ժողովի հետ նիստ ընելով
վանուց ինչ ինչ գործոց նկատմամբ կը
խորհէին, Մամբրէեանք և Լուսարարեանք
կրկին սկսան իրենց նախկին խռովու-
թեան թելերը հինել. կը բաւէ՞ վանքա-
անվանահայր մեայ, և կամ ըստ արամա-
դրութեան Վանօրէից խորհրդոյ հրահան-
գին՝ փոխանորդն վանուց բնիկ միաբան
լինելու է, և այս տեսակ փոթորիկներ

չարուցանելով, դիմադրութիւն և խռովութիւն միշտ անպակաս եղաւ վանքէն: Արդ՝ Խրիմեան Սրբազան երբ դեռ Պատրիարք էր և վանքիս ալ վանահայր, փոխանորդն իւր ժողովով միասին ըսին, այժմ ընտրենք վանահայր, բայց Խրիմեան Հայրիկ դեռ վանահայր է, և վարչութենէն նոր հրահանգ մը չէ եկած, որ Խրիմեան հրաժարեալ է ու նոր վանահայր մը ընտրեցէք. իսկ շահատէր և խրաւովայոյզ անձինք երբ անտին որ միջոցն իրենց շօղնէր, կեղծուկ քծնելով թէ Խրիմեան արդէն վանահայր է և մեր կրնդ ունինք, բայց վանօրէից խորհրդոյ տուած հրահանգն ապօրինի գործադրուած է, և կուզենք նոր փոխանորդ և նոր տնօրէն ժողով ընտրուի. ի վերջոյ օր ըստ օրէ կրկին խռովութեան մէջ կերթանք, և այն խռովութեան մասը միշտ դուրսէն եղած է:

Ահա Մամբրէ եպիսկոպոսի մէկ նամակն, որ Պօլսէն առ միաբանութիւնն գրելով՝ դ վանք կիսառնէր: — « Արժ. Տ. Գաբրիէլ Վ. Խաչատուրեան, միաբա-

Նութեան Ս. Կարապետի Տարօնոյ, սիրելի
ի Տէր: — Սիրելի վարդապետ, շնորհ ու-
նիմ Արժ. փոխանորդ Մխիթար վարդա-
պետէ, նոյնպէս և ի ձէնջ, որ քաջու-
թեամբ առ ամենայն դէպս զհաւատար-
մութիւն ոգւոյ ձերոյ ցուցանէք առ իս,
զորմէ յայս նուազի կարի առաւել իմն
դովութեամբ դրեալ է ինձ վահան մեր.
Քաջ լերուք և պաշտպանեցէք զամենայն
իրաւունս Ս. ուխտիդ, աջակից և օժան-
գակ կացէք յամենայնի Արժ. եղբօր մե-
րում փոխանորդի Տ. Մխիթարայ վար-
դապետի, միաբան պահեցէք ընդ ձեզ
զՍ. եղբայրսն, որ ընդ ձեզ ստորագրեալ
էին ի թղթի անդ, և զմիւս եղբարսն
ևս ջանացէք ածել ի նոյն միաբանութիւն
ձեր. երանի թէ ընդ խորէն վարդապետի
և դուք դայիք ի մայրաքաղաքս. այժմ
ամենայն ինչ վճարեալ էր անշուշտ. դայս
կյիշեցուցանեմ ձեզ աստանօր, զի թէ
հաճոյ թուեսցի ձեզ՝ կամ հարկն իսկ ըս-
տիպեսցէ՝ առանց վարանելոյ ի ջանիցիք
ի Կ. Պօլիս ի վրկել միանդամայն զվանա
և զերկիրդ ի ձեռաց վանեցւոց . . . ևն .

ընդ ողջունիս և ս շնորհակալութիւնս մա-
տուցանեմ . զթուղթս ամենեցուն մի
հաղորդեալիք, այլ զողջոյնս և զգոհու-
թիւնս . ողջ լիք :

ՄԱՅՐԻՆ ԵՊԻՍԿՈՊՈՍ

ի տանէ Մամիկոնէից

Յ սեպտ. 1873

ի Կ. Պօլիս

Մամբրէ կալիսկոսոս՝ որ այն ժա-
մանակ անցեր էր վանօրէից խորհրդոյ
գլուխ, և ամեն ուրեք այս կերպ գրեր
կարձակէր, կարելի՞ ըան է որ փոխանոր-
դըն և ժողովն լսելով հանգիստ մնան,
որովհետև Մամբրէ սրբազան ծանօթու-
թիւն կուտար թէ ձեր տունը օտարնե-
րու ձեռքէն ազատեցէք . և այս ցնցումն
խառնելով զվանք, միշտ միրիկներ յարու-
ցանելով վանքէն խռովութեան անպա-
կաս էր : Ահա խռովութիւն նամակի մէկ
պատճէն, որ Գարեգին վարդապետի օրով
եղած է :

« 1873 Տայիս 26 ի վանս Ս. Կարա-
պետի Մշոյ :

« Ըստ որում վանօրէից խորհրդոյն

խմբագրած սահմ. հրահանգին վանքի
ժամանակէն և գործադրութեան սկսելէն
ի վեր Ղուկիանոս, Խորէն, Գաբրիէլ վար-
դապետները շարունակ խռովութիւն,
ընդդիմութիւն, անկանոնութիւն ընկելով.
խռովութիւն կ'յարուցանեն թէ' ընդհա-
նուր և թէ' տնօրէն ժողովներու գէմ,
հակառակ միաբանութեան և Ս. վանուցա-
քարեկարգութեան, որով ընդհանուր և
տնօրէն ժողովոյ ազդեցութիւնը կը խա-
փանեն, և ըստ որում ժողովները ան-
սահման կերպով ազատութիւնը կ'յարգէ-
ին, յուսալով որ համոզեն զանոնք, սակայն
յայտնապէս տեսնելով որ անոնց մտա-
դրութիւնը ժողովները իրենց ուղածին
ծառայեցնելն է և կամ լուծել, ինչպէս
որ ըստմիցս յայտարարեցին թէ, բողոքա-
գրած ենք տնօրէն ժողովոյ ընտրութեան
և քուէարկութեան գէմ, դիւանի կառ-
մութեան և մոխանորդի գէմ . . . և հե-
տեապէս ընդհանուր ժողովս յիշեալ
վարդապետները համարելով խաղաղու-
թեան և քարեկարգութեան վրդովիչ,
ըմբոստ . . . և եթէ նորէն տեղի տան

ուրիշ միջոցներով զանազան անկարգու-
թեանց, փոխանորդն և տնօրէն ժողովն
իրաւունք ունին անոնց մասին արժան
համարուած դատաստանը ի դորժ դը-
նելու:

Համաձայն ժողովոյն կատարագրեմ,
փոխանորդ՝ Գարեգին վարդապետ, Ա-
տենապետ՝ Եսայի վարդապետ Աննոյ-
եան, Ատենադպիր՝ Կարապետ վարդա-
պետ Եսայեան, Մկրտիչ վարդապետ Խը-
նամիրեան, Առաքել վարդապետ Սաֆար-
եան, Յովհաննէս վարդապետ Նազարեան,
Մկրտիչ վարդապետ Տնտեսեան, Լուսա-
րար Յարութիւն վարդապետ, Թադէոս
վարդապետ Խաչատուրեան, Լուսարար
Յակոբ վարդապետ Գրիգորեան:

Արդ՝ երբ խռովութիւն այս տեսակ
առաջ գնալով օր ըստ օրէ կբարձրանայր,
և անխոնջ աշխատութեամբ կուզէին ի-
րենց նպատակն առաջ տանելով ազգին
Սահմանադրութիւնը կործանել, որով-
հետև Մամբրէ սրբազանը նստած ի Պօ-
լիս շաբաթ հեղ մը մեծամեծ ծրարներով
նամակներ կարձակէ վանուց միաբանու-

Թեան մէջ խնձոր գլորելով, թէ, ահա
մօտ է որ ձեր տունը աղասիք վանացւոց
ձեռքէն. նաև իւր ձեռնասունք, պորտ
ի Գղի և ի Բաղէշ ձեռնադրել տուած
էր, վանօրէից խորհրդոյ որոշմամբ վա-
նուցս միաբան հաստատել տուաւ, որ
մեծամասնութիւն կազմէ, ուստի վանուցս
Արժ. փոխանորդ Գարեգին վարդապետ
երբ նկատեց որ Խրիմեան Հայրիկի Պատ-
րիարքութեան դադարումն մօտ է, և
վանուցս միաբանութեան մէջ օր ըստօրէ
խառնութիւն կ'յառախէ, աւելի լաւ
համարեց քաղցրութեամբ հրատարիչ քան
թէ խառնութեամբ փոխանորդ մնալ:

Երբ Գարեգին վարդապետ իւր հա-
շիւն տալով վանքէս մեկնեցաւ, Մխիթար
վարդապետը փոխանորդ ընտրեցին. իսկ
Մխիթար վարդապետ՝ որ Մշոյ առաջ-
նորդ եղած էր Խրիմեան սրբադան Հայ-
րիկի վանահայրութեան ժամանակ, Մը-
շոյ աղդայնոց նկատմամբ երգեմն ի կա-
րին և ի կ. Պօլիս գնալով, մեծ ծախուց
ցուցակ մը կնեւրկայացնէր, և երբ յիշեալ
Մխիթար վարդապետն որ Խրիմեանի ձեռն-

քով աքտորուած էր ի Ս. Երուսաղէմ,
սոյն անոյց համար աւելի Մամբրէ սրբ-
բաղանին յարեցաւ. և այսպէս միշտ վա-
նուց մէջէն խռովութիւն անպակաս եղաւ
մինչև որ Խրիմեան Հայրիկը Պատրիար-
քութենէ հրաժարեցաւ: Յաջողեցաւ
Մամբրէ սրբազան ժողովել մեր հայրե-
նակից պանդուխտ տարօնացիք, և յար-
ձակելով Պատրիարքարանի վրայ՝ կայսե-
րական հրովարտակաւ վանահայր կար-
գեցաւ Մշոյ վանուց, և այնպէս ալ, երբ
Մխիթար վարդապետ փոխանորդ ընտ-
րուեցաւ, հակառակ վանօրէից խորհրդոյ
հրահանգին, դադանի վանքէն հանրադիր
ժողովելով զրկեց ի Պատրիարքարան թէ,
Մամբրէ եպիսկոպոսն վանահայր կուղենք.
և Պօլիս ընդունեց սոյն ապօրինի հան-
րադիրն, և Պատրիարքարանի տուած ա-
մեն վնասներ, բոլոր ապակիներ խորտա-
կեցին. հակառակ սահմանադրութեան՝
Մամբրէ սրբազանը վանահայր կուղէին.
մոռցան սահմանադրութիւն, մոռցան
վանօրէից խորհրդոյ հրահանգ ի այն յօդ-
ուածն, որով կեդրոնական վարչութիւն

պիտի հրահանգ դրկէր վանք նոր առաջ-
նորդի մը ընտրութեան համար. Մամբրէ
սրբազան կարգ եցին վանահայր, որ գա-
լով վանուց մէջ ապօրինաւ որութիւններ
գործեց, և մեք ի խղճէ ստիպեալ բողո-
քեցինք, և շատ մը բռնութեանց են-
թարկուեցանք, մինչև զմեզ Պօլիս ձը-
գ եցինք:

Ընդհանուր կարծիք կայ, թէ Մշոյ
վանք շատ եկամուտներ ունի. սմանք
կրնեն՝ 400000, այլք՝ աւելի, և են որ
պակաս կհամարին: Պէտք է գիտնալ որ
Մշոյ վանք միւս վանօրէից պէս կալուած-
ներ չունի այլ և այլ տեղեր. միայն տուն
մը կարնոյ մէջ ունէր. զայն խրիմեան
Սրբազան Հայրիկ տուաւ յիշեալ քաղա-
քացւոց՝ դպրոց շինելու համար. որ
շինուեցաւ, և անոր փոխարէն վանուց
1000 դրշ բերող կալուած մը պիտի տա-
յին, բայց դեռ չէ տրուած: Ունի Պօլիս
Վէզիր խանի մէջ երկու սենեակ ընդ մէջ,
որ երբէք վանուց ցուցակներու մէջ նշա-
նակուած չէ թէ յիշեալ սենեակներէն
տարեկան այսչափ եկամուտ եղաւ վա-

նուց, և այս ինչ նիւթին ծախք եղաւ:
Նաև կլսեմք որ Կարնոյ Կան դիւղի ճա-
նապարհի վրայ կէս տուն ալ ունի. ասոր
համար երբէք տեղեկու թիւն մը չունինք
թէ ով կառնէ և ինչ կըլլայ:

Արդ՝ Ս. Կարապետու վանուց եկա-
մուտն է ուխտաւորներէն, ընդհանուր
Տանկատանէ և Ռուսաստանէն, և առ-
վարու թիւն կայ՝ ուխտաւորներէն դար-
պաս առնուլ. տարի կայ որ 150000 դրշ
եկամուտ կը լինի. տարի կայ, որ 160000
դրշ կը լինի, բոլոր եկամուտով թէ Ս.
գերեզմանէն եկած և թէ՛ մատաղէն,
Ունի 3 վիճակ որ վանուց միշտ սուրջ
կուտան. պտղի, մատաղ, լծոյ գլուխ 1
հօխայ իւղ, հողեքածին, Իսկ վիճակ-
ներ ասոնք են՝ Պուլանուխ, Չուղուր, Խը-
նուս, Դաշտ, Վարդոց, Չալախչուր, սոյն
վիճակներէն 1500 քիլէ ցորեն կուգայ,
1000էն աւելի մատաղ կուգայ թէ գառ
և թէ կուլ, 200 լտերէն աւելի իւղ կու-
գայ, թող հողեքածին, և այլն:

Դալով վանուց երկու փակահներու,
երբ Մամբրէ Սըբազան նոր եկաւ, կային

30 հատ լծան գումեշ, 40էն աւելի լծան
եղ, այնպէս ալ կով մատակ, արջառ,
երինջ, և ըն. ի վերջոյ 300ի չափ տաւար,
եղինք, 25 ձի, 30ի չափ աւանակ, 4000էն
աւելի ոչխար բաց ի գառներէն, 300 քի-
լէի չափ սերմանելու հող, բաց ի մար-
գերէն և անտառներէն և ըն: Ս.հա վանուց
տորեկան բոլոր եկամուտն ասոնք են:
Բայց վանուցս մէջ միշտ երկու ծայր ե-
ղած է. մէկը առաջնորդեանք և միւսն
ալ լուսարարեանք. սոյն գործերուն ա-
ւելի հմուտ է իրիմեան, որովհետև 10
տարի աւելի ժամանակ վանուցս կառա-
վարութեան ղեկն իրեն ձեռքն եղած է:
Յորեան վիճակէն իբրև եկա-
մուտ կուգայ, և վանուց կալուածոց ալ
վրայ գնելով կրկին չբաւէ. կհարկադրուի
ստակով ցորեան առնել տարեկան 15000
դրշի և կամ 10000ի: Ս.հա այս է մեծ
իմաստութիւն. ո՞վ որ կարող է սոյն հա-
նելուկն հանել Ս. կարապետու խեղճ
վանուց նկատմամբ՝ այն իմաստուն է.
Իսկ միաբանութեան ուսած հայն՝ ինչ
տեսակ է, չեմ կարող նկարագրել. ո՞վ որ

չհաւատար, պլի տ մը քովս պահուած կայ
թող գայ տեսնէ, և հաւատայ, և սոյն
ըսած պլիտէն մարդագլուխ Տ հատ կու-
տար Մամբրէ Սրբազան, Այսու ամենայ-
նիւ վանքն ծանր պարտուց ենթարկուե-
ցաւ, Շատեր պիտի ըսեն թէ սպա վա-
նուց հարստութիւն ուր կերթայ, մենք
ալ դիտնայինք՝ շատ լաւ կլինէր . . . :

Թողունք այն եկամուտներ, որ ա-
մէն տարի շարունակ կուգան աւելի կամ
փոքր ինչ պակաս . երբ Մամբրէ Սրբա-
զան եկաւ վանահայր, վանուց արկղի մէջ
1000 օսմանեան լիրայէն աւելի դրամ
կար. մթերանոց՝ որ Աւետիսի ձեռքէն
առին, մէկ սենեակ մը լեցուն կտորեղենք
կար. 80 զոյգ վերմակ և անկողին կար,
բաց ի բոլոր վարդապետաց և գործա-
կալաց քովի եղածներէն. վանուց մառա-
նատուն լեցուն էր իւղով և պանրով,
այս պատրաստի եղածներն և նոր եկա-
մուտն ալ գնալէն զկնի վանքը մեծ պար-
տուց ենթարկուեցաւ :

Դանք Մամբրէ Սրբազանի բարեկար-
գութեանց :

1. — Երբ վանուց պարսպի դռնէն ներս պիտի մանէր՝ Մխիթար վարդապետ, որ յուսով լցուած էր, իր ծախքերն առնելու համար, մէկէն Մամբրէ Սրբազանին դալուն համար 2 խոյ դռան այս կողմ և այն կողմ մատաղ կտրել տուաւ :

2. — Քանի մը օրէն յետոյ, ուղեցին նախկին տնօրէն ժողովոյ անդամներէն երկու անդամ առանց պատճառի ժողովէն հանել, որովհետեւ երբ հակառակ սահմանադրութեան հանրագիր կը ժողովէին՝ յիշեալ ժողովոյ անդամներ չստորագրեցին, և ասոր համար կուղէր Մամբրէ Սրբազան զանոնք ոտնակոխ առնել, և միշտ զՄխիթար դրդելով կռիւ կյարուցանէր :

3. — Դեռ նոր եկած էր, առանց միջոց տալու՝ մէկէն 105 օսմանեան լիրա իւր ծախքն առաւ, բայց ի վէդիր խանի սենեկի վարձքէն, Ռմանք կըսեն թէ ինչո՞ւ տու իր, երբէք չեն ըսեր, թէ մատաղով ընդունուած մէկու մը ո՞վ կարող է բան ըսել :

4. — Մէկ ամիս չանցաւ, ելաւ ժո.

դովրդեան մէջ այցելութեան որ իւր
պաշտօն չէր. մեծամեծ ծախք ըլլաւ. ժող-
ովուրդը պատրեց թէ ինքը քաղաքա-
կան առաջնորդ է, և այս կերպով քա-
ղաքական առաջնորդի ազդեցութիւն իս-
պառ կտարեց :

5. — Երբ դարուն եկաւ, որ ժողո-
վոյն փոփոխութեան ժամանակն էր, իւր
ձեռնաստուններէն ժողովական ընտրել
տուաւ: Այս միջոցին արժ. վահան վար-
դապետ վանքէն ելաւ, տեսնելով որ մը-
նալու տեղ չէ :

6. — Իւր ձեռնաստուններէն կազմ
մեալ ժողովին յանձնեց վանուց շահուց և
եկամտից պաշտօններ, և այսպէս վանուց
եկամտից աղբիւրները իւր ճանկերու մէջն
առաւ և ուղած կերպով խաղաց, և շատ
անգամ ուղածն միայն ինքը կրնէր, և
յետոյ արձանագրել կուտար :

7. — Երբէք միաբանական հաւա-
սարութեան սեղան մը չպատրաստեց, և
որ մը սեղանի մը գլուխ չանցաւ՝ հայոց
կենդանեաց և հանգուցելոց համար ա-
ղօթքը ընելու, ընդհակառակն զրկանք.

շատ անգամ մուրալով մեր ուտելեաց
մասին՝ դուրսէն կմուրայինք, իսկ իւր
պարագայք միշտ յոռի յղփութեան մէջ
վանքի բարիքն անխնարար կվատնէին :

Տ. — Միշտ վանուց արկղէն իւր ու-
ղած ծախքերն կընէր, և եթէ խօսող մը
լինէր՝ իսկոյն կռիւ և բռնութիւն կընէր :
Անգամ մը Կ. Պօլսոյ աղագային վարչու-
թեան որոշմամբ Կարին քննիչ գնաց. ի
դարձին՝ վանքէն իւր ծախքն ուղեց,
մինչդեռ Կարին ամէն կերպով իւր ծախք
հոգացեր էր, վանուց արկղը բռնաբարե-
լով 1200 դրշ առաւ : Այսպէս ալ երբ
Մուշ գնաց և իւր ուղածին պէս զրպար-
տութեամբ զմիաբանութիւն հեռագրով
ամբաստանեց, կրկին բռնաբարելով վա-
նուց արղկէն 800 դրշ դրամ առաւ Ա-
րիստակէս վարդապետէն : Այսպէս միշտ
իւր կրից համար վանուց եկամուտը կը
վատնէր :

Գ. — Շատ անգամ Մշեցի բարեկամ
տաճիկներն վանք կբերէր իբրև լրտես
և պահապան՝ վանուց միաբանութեան,
սուտ անուն մը վրայ գնելով թէ դա-

աատու է, և վանքէն ամսական տալով :
ինչպէս Ալի էֆէնտի անունով տաճիկը
չատ փոթորիկ հանեց վանուց մէջ, մին-
չև հինգ օր անօրէն ժողովոյ անդամներ
վանքէն դուրս մնացին յիշեալ էֆէնտի
համար. Մամբրէ եպիսկոպոս ժողովի ո-
րոշումն առ ոչինչ համարելով զանի վա-
նուց մէջ կպահէր. հապիւ բոլոր միարա-
նու թեամբ դուրս հանեցին :

10. — Բռնի խափանեց վանուց հո-
ղապարծու թիւնը. բոլոր լծան տաւարներ
հանդերձ հողապարծու թեան գործիքնե-
րով և արտեր սերմերով տուաւ իւր բա-
րեկամաց, պատճառելով թէ կիսովի է,
բայց տարած մարդիկ իրեն բարեկամ
լինելով վանքին բան մը չտուին, ինչպէս
որ իր ձեռնաստուն Եղիշէ վարդապետի
եղբայրներ 8 քիլէ ցորեան սերմ տարին
վանքէն՝ վանքի տաւարներով, արտեր
վանքէն, և ջուրն ալ վանքէն, 7 քիլէ
ցորեան վանքին տուաւ, որ տարած սեր-
մէն ալ քիլէ մը պակաս :

11. — Բանի որ հողապարծու թիւնը
չէր խափանած, կըսէր թէ պէտք է վանքոս

քաղաքական դրութեան վերածուի, և վարդապետներ գրել կարող այու նային. իսկ երբ հաց, իւղ ևն. վանքէն կտրեց, և վանքը պարտուց ենթարկեց, կըսէր թէ գնացէք ձեզ հաց գտէք կերէք. և այսպէս ոմանք մուրալով իրենց կերակուր կպատրաստէին վանուց մէջ. զայն ևս աղջուր կդարձնէր ուտողի գլխուն:

12. — Եթէ ժողովական մը իր կամաց համաձայն չդորժէ, իսկոյն իբրև դատապարտեալ ոք ժողովէն կմերժուի, ինչպէս անոնք, որ ըսին թէ պէտք է Սրբազան Պատրիարք հօռ և կեդրոնական վարչութեան որոշումն առնենք և յետոյ վանքն պարտուց ենթարկենք, բողոքովին դատապարտուեցան: Արիտակէօ վարդապետ ալ երբ ըսաւ թէ նախկին տնօրէն ժողովոյ անդամն քանի որ առանց հաշիւ տալու ժողովքէն ելնելով ծախուց ապօրինաւորութեան դէմ կբողոքէ. ես ինչպէս ստորագրեմ զայն, զայն ևս ժողովոյ անդամակցութենէն մերժեց և Նաղարեան Յովհաննէս վարդապետն տեղը դրաւ, որ ամբաստանեալ ցուցակները ստորագրեց:

13. — Քանի տարի որ վանահայր եղած է Մամբրէ սրբազան, որ մը ժողովով եկեղեցւոյ անօթները թուի և

հաշուի չառին, և վաւերացեալ ցուցակ
մը չկայ եկեղեցւոյ զգեստուց և անօթ-
ներու համար. բոլորովին թողուցեր են
եկեղեցին անխնամ. գիշեր և ցորեկ դըռ-
ներն բաց, ամեն մարդ ամեն ժամանակ
եկեղեցին մտնելով եկեղեցիէն միշտ բան
գողնալով կտանին, ինչպէս անցեալ տար-
ուան գողցուած արծաթեայ մեծ խաչը,
զոր գողնալով մինչև Քղի տարին, յետոյ
ի ձեռն Արժ. Խորէն վարդապետին վե-
րադարձաւ վանք. երբէք քննու թիւն մը
չեղաւ. Խրիմեան Ս. Հայրիկն ալ վկայէ,
որ եկեղեցին իբրև խանութ մը ամեն
բան կգտնուի, սոխ, սխտոր, հաց, թթու,
շաքար, պղպեղ:

14. — Գանձատուն՝ որ կից է Ա-
ռաջնորդարանին, և միշտ սովորութիւն
եղած է որ բանալին առաջնորդի մարդոց
քով լինի, վանուց բոլոր պխտոյքն հոն
կթողովի, շուխայ, խութնի, մանուսա,
մետաքսեղէնք, և բամպակեղէնք, շա-
քար, մեղր, կօշիկ ևն. Մամբրէ սրբազան
ունէր անցեկ մը իր քով, Սաեփան անուն,
սպասաւոր, գանձապետ, միով բանիւ Ա-
ռաջնորդի հոգևոր որդին է. երբեմն
բարկանալով գանձատան բանալին միայն
քովէն առնելով շաքաթներով ինքը գան-
ձապետութիւն ալ կընէր, և այս պրու-

Թեամբ ամիսն հեղ մը գանձատան պա-
կասութիւն կուղէր. ստակն հեղեղի պէս
վանուց արկղէն ելնելով կերթար:


15. — Եկող առաջնորդներ, իրենց
նստած առաջնորդարան, դբօսարանի պէս
կղարդարեն, պատուաւոր ուխտաւորներ
կկանչուին առաջնորդի քով, բոլոր ծախք
անխնայ կերպով վանքէն կլինի, ոչխար
մորթել, ըմպելիք, մարդագլուխ մէկ մէկ
գառ տեսչի ձեռքով սենեակներ կերթայ,
և պէտք է ըսուի թէ սրբազան առաջ-
նորդն դրկած է. իսկ եթէ եկամուտ լի-
նի՝ Առաջնորդին ժամուց է. միշտ պէտք
է 3-4 հարիւր դրշ ալ պատրաստի քովը
պահեստի մնայ, որ պէտք եղած միջոցին
ծախք ընէ. եթէ դուրսէն քառասնից և
աջհամբոյր լինի՝ այն ալ վանահօրն է, և
ասոնցմէ ի դատ տարեկան 20 լիրա ալ
ստակ կառնու, և այս ալ վանուց օրէնքի
մէկ կտորն է, հարկ է որ կատարուի:

16. — Վանուց մէջ բարեկարգ դբօս-
րոց մը եղած չէ այսքան եկամտից մէջ,
դիշերօթիկ խարխուլ դպրոց մը կայ, այն
ալ վանահօր ազդականաց, վարդապետաց,
սանուց և ազդականաց սեպհական է.
այն դպրոցի մէջ միայն հայերէն կը կար-
դան, և այն ալ յայտնի է թէ ինչ կառ-
վարին, քանի՛ վարժապետ, քանի՛ առաջ-

Նորոգու վարդապետ աղգին հասուցեր է
Ս. Կարապետու վանք:

Ամեն մարդ կուզէ բարեկարգու-
թիւն. սակայն ոչ ոք չքսէր թէ, ինչ է
այդ բարեկարգութիւն. Վանօրէից խոր-
հրդոյ հրահանգի 12 յօդուածն արամա-
գրած է որ անօրէն խորհուրդք գրամա-
կան փոխառութիւն և փոխառուութիւն
չկրնայ ընել մինչև որ կեդրոնական վար-
չութեան հաւանութիւնը չառնու. Եթէ
ընդհակառակն վարուի, իր անդամոց
անձնական պարտք պիտի համարուի:
Մշոյ Ս. Կարապետու վանքը պարտուց
ենթարկուած է հակառակ սոյն օրէնքին.
Վանուց սոյն ղեղձմանց համար մեք ի-
Պատրիարքարան բողոքած ենք միշտ.
ասոր համար Մամբրէ սրբազան զմեզ
դատապարտած է, Եթէ ոչ մեք Գեր,
վանահօր հետ երբէք թշնամութիւն մը
չունէինք և չունինք: Որչափ բողոքեցինք՝
պատասխան մը չառինք, և ասոր համար
օր ըստ օրէ խռովութիւն շատցաւ: Ուս-
տի դիմեցինք աստ ի Կ. Պօլիս, բերանա-
ցի պատմել վանուց բոլոր անցքերն. հի-
մայ մեզ ալ օւրիշ քսելիք մը չմնաց. Սրբ-
բազան Պատրիարք հօր, և կեդրոնական
խառն վարչութեան գիտնալիք բանն է:

Վ. Ն. Բ. Տ.





7523 - 7528

0003769
0003770
0003771
0003772
0003703
0003700

2013

ՀՀ Ազգային գրադարան



NL0003769

ՀՀ Ազգային գրադարան



NL0003770

ՀՀ Ազգային գրադարան



NL0003771

ՀՀ Ազգային գրադարան



NL0003772

ՀՀ Ազգային գրադարան



NL0003703

ՀՀ Ազգային գրադարան



NL0003700

